

¶ Si papa adimpleuerit præmissa, cessabitur à citatione.

D

Item q; in casu quo dictus dominus loannes papa, pro bono pacis & unionis ecclesiarum præmissa adimpleuerit cum effectu, et dictum sacrum concilium super eisdem contentauerit, cessabitur à citatione & processu, & agatur secum de securitate & prouisione status eius cum omni charitate & honestate.

¶ Quod dominus Vicecancellarius signet supplicationes consistoriales, partibus auditis.

Item decernit, diffinit, & ordinat dicta sancta synodus, quod dominus cardinalis Ostiensis, sanctæ Romanæ ecclesiæ vicecancellarius, supplicationes consistoriales de iustitia partibus auditis, & alijs ut in talibus in publico consistorio est fieri solitum, signet & expediatur quod si non fecerit, procedatur contra eum ut fuerit rationis.

¶ Dantur commissarij contra Ioannem Hufz.

al. forte Frisinge, al. Freiburg, al. Sleisvicens,

Item q; in materia fidei contra Ioannem Hufz autoritate huius sacri concilij præcedant archiepiscopus Ragusinus pro natione Italica, pro natione Germanica episcopus + Flebbitensis magister Vrinius Taluenda pro natione Gallicana, magister Guillelmus comes pro natione Anglicana, in sacra pagina magistri, causam dicti Ioannis Hufz & suorum sequacium examinando, & in illa procedendo usque ad diffinitiuam sententiam inclusue,

¶ Commissarij prædicti recipiant relationem dominorum cardinalium.

Item q; prædicti commissarij recipiant relationem dominorum cardinalium Cameracensis, tituli sancti Marci & Florentinensis. de processu facto super condemnatione librorum & articulorum tam XLV. in Parisiensi. & Pragensi. quam etiam ducentorum sexaginta in Oxoniensi. studijs facta: necnon super condemnatione memoriæ Ioannis Vuicleff, ac confirmanda sententia lata in concilio Romano super condemnatione & combustionem librorum prædicti Ioannis Vuicleff, & relationem super præmissis faciant nationibus & huic sacro concilio, quæ citius commode illam facere poterunt.

¶ Decernitur citatio contra Hieronymum.

Item decernit dicta sancta synodus citationem contra Hieronymum de Praga de hæresi infamatum, quodq; dicta citatio contra eum exequatur in forma, quæ sequitur:

Roma, 12. a

Canti, 2. d

Sacro sancta generalis synodus generale concilium Constantiense faciens, in spiritu sancto fideliter congregata, uniuersalem ecclesiam militantem representans, Hieronymo de Praga, qui se magistrum in artibus plurimorum studiorum fore scribit & prætendit, quæ recta sunt ad sobrietatem, & non amplius sapere quam oportet. Scriptum quoddam tanquam ex tui persona affixum in portis ecclesiæ ciuitatis Constantiensi. alijs die dominica qua catabatur in ecclesia dei. Quasi modo geniti, ad nostram notitiam peruenisse, in quo tuis obrectatoribus crimina erroris & hæresis tibi obijcientibus, te asseris publice responsurum, de quibus apud nos multipliciter infamatus existis, & præsertim de doctrina Ioannis Vuicleff, necnon alijs doctrinis catholicæ fidei obuiantibus, dummodo ad ueniendum tibi saluus & securus conductus præbeatur. Et quia nostrum principaliter interest, capere uulpeculas uineam domini Sabaoth conantes demoliri, ideoque personam tuam tantum quidem decem dierum à data præsentium computandam, quoque XV. die quoque quinque pro primo, quinque pro secundo, & reliquos quinque dies pro tertio & peremptorio termino ac monitione canonica tibi præfigimus & assignamus in publica sessione huius sacri concilij, si ipso die sessio fuerit celebrata, alijs prima die sequenti, qua sessionem esse contigerit, compareas secundum tenorem prædicti tui scripti, responsurus ad ea